

世界佛教居士林編

法事叢書
第十一種
三時繫念

上海佛學書局印行

注意

- 一、法師頂禮三寶時。須一心作觀。祈求加被。說法時。當發殷重心。代佛宣化。
- 二、齋主須力除一切雜念。專心存想亡者形容。爲他代禮三寶。誠心聽受。庶感應道交。功德當不可思議。
- 三、亡者家屬人等。均得照本冊。隨同唱念。惟須專心誠意。輕聲隨和。切勿意存嬉戲。致增罪累。
- 四、本冊法事。能於亡者未入殮以前。舉行最好。否則在七期或百日或週年。亦均可舉行。
- 五、本冊內小號字（五號）係說明。中號字（四號）係法師所說字句。大號字（三號）係大眾同聲唱念者。

南無阿彌陀佛

三時繫念

中峯國師作

靈前高設供桌。對靈設法座。桌上供阿彌陀佛接引像。用紅頭繩一根。一端繫於阿彌陀佛右手。一端置於亡者男左手。女右手。或扣在牌位上端。

起香

(一) 上香禮佛 唱香讚。齋主隨法師禮拜。

戒定真香 焚起衝天上 弟子虔誠 爇在
金爐上 頃刻紛紜 卽遍滿十方 昔日耶

起香 香讚

南無阿彌陀佛

起香 說偈 念經咒

二

輸 免難消災障

南無香雲蓋菩薩摩訶薩 (三稱)

(二) 法師說偈

愛河千尺浪。苦海萬層波。欲免輪迴苦。大眾念彌陀。

(三) 大眾念佛。至靈前。到已。收佛聲。

(四) 念經咒

南無清涼地菩薩摩訶薩

(三稱第一稱僅由清字起
齊于禮亡靈三拜)

南無西方接引阿彌陀佛 (三稱)

南無阿彌陀佛

般若波羅密多心經（一卷）

觀自在菩薩。行深般若波羅密多時。照見五蘊皆空。度一切苦厄。舍利子。色不異空。空不異色。色卽是空。空卽是色。受想行識。亦復如是。舍利子。是諸法空相。不生不滅。不垢不淨。不增不減。是故空中無色。無受想行識。無眼耳鼻舌身意。無色聲香味觸法。無眼界。乃至無意識界。無無明。亦無無明盡。乃至無老死。亦無老死盡。無苦

南無阿彌陀佛

起香 心經

四

集滅道。無智亦無得。以無所得故。菩提薩埵。依般若波羅密多故。心無罣礙。無罣礙故。無有恐怖。遠離顛倒夢想。究竟涅槃。三世諸佛。依般若波羅密多故。得阿耨多羅三藐三菩提。故知般若波羅密多。是大神咒。是大明咒。是無上咒。是無等等咒。能除一切苦。真實不虛。故說般若波羅密多咒。卽說咒曰。揭諦揭諦。波羅揭諦。波羅僧揭諦。菩提薩婆訶。

南無阿彌陀佛

拔一切業障根本得生淨土陀羅尼（卽往生咒）
南無阿彌多婆夜。哆他伽多夜。多地夜他。阿彌
利都婆毘。阿彌利哆。悉耽婆毘。阿彌唎哆。毘迦
蘭帝。阿彌唎哆。毘迦蘭多。伽彌膩。伽伽那。枳多
迦利。娑婆訶。（三遍）

（五）法師說法

法王利物。悲智洪深。普徧十方。冥陽靡隔。今蒙齋主○
○恭爲○○屆逢○○之期。特請山僧登座。依憑教法

起香 往生咒 說法

五

南無阿彌陀佛

起香 唱讚 念佛

六

作三時繫念佛事。迺爾亡靈。遭此勝緣。自宜嚴肅威儀。
來臨座下。恭聆妙法。一心受度。

(六) 唱讚 齋主再向亡靈三拜

蓮池海會 彌陀如來 觀音勢至坐蓮台
接引上金階 大誓宏開 普願離塵埃

(七) 大眾念佛回至佛前。到已收佛聲。唱讚。齋主隨法師禮拜。

楊枝淨水 遍洒三千 性空八德利人天
餓鬼免針咽 滅罪除愆 火焰化紅蓮

南無阿彌陀佛

南無清涼地菩薩摩訶薩 (三稱)

(八) 法師說偈

覺海虛空起。娑婆業浪流。若人登彼岸。極樂有歸舟。

(九) 大眾再念佛。法師陞座。唱香讚。齋主行十方禮。或僅向上

三拜。向左右各一拜。

爐香乍熱 法界蒙熏 諸佛海會悉遙聞

隨處結祥雲 誠意方殷 諸佛現全身

南無雲來集菩薩摩訶薩 (三稱第三遍雲字上加海會二字)

起香 說偈 唱讚

七

南無阿彌陀佛

起香 白文

(七) 法師白云

此一瓣香。根蟠劫外。枝播塵寰。不經天地。而生成。豈屬陰陽。而造化。爇香爐中。專伸供養。常住三寶。剎海萬靈。極樂導師。阿彌陀佛。觀音勢至。清淨海衆。悉仗真香。普同供養。

(八) 大衆念

南無香雲蓋菩薩摩訶薩

(三稱第一稱僅由香字唱起
念畢坐下)



南無阿彌陀佛

第一時

(九)念經咒

南無蓮池海會佛菩薩 (三稱)

佛說阿彌陀經

如是我聞。一時佛在舍衛國祇樹給孤獨園。與大比丘僧千二百五十人俱。皆是大阿羅漢。衆所知識。長老舍利弗。摩訶目犍連。摩訶迦葉。摩

南無阿彌陀佛

第一時 彌陀經

一〇

訶迦旃延。摩訶俱絺羅。離婆多。周利槃陀伽。難陀。阿難陀。羅睺羅。憍梵波提。賓頭盧頗羅墮。迦留陀夷。摩訶劫賓那。薄拘羅。阿菴樓駄。如是等諸大弟子。並諸菩薩。訶摩薩。文殊師利法王子。阿逸多菩薩。乾陀阿提菩薩。常精進菩薩。與如是等諸大菩薩。及釋提桓因等。無量諸天大衆。俱爾時^{散學}佛告長老舍利弗。從是西方過十萬億佛土。有世界名曰極樂。其土有佛。號阿彌陀。今

南無阿彌陀佛

現在說法。舍利弗。彼土何故名爲極樂。其國衆生。無有衆苦。但受諸樂。故名極樂。又舍利弗。極樂國土。七重欄楯。七重羅網。七重行樹。皆是四寶周匝圍繞。是故彼國名爲極樂。又舍利弗。極樂國土。有七寶池。八功德水。充滿其中。池底純以金沙布地。四邊階道。金銀瑠璃玻璃合成。上有樓閣。亦以金銀瑠璃玻璃砮磤赤珠瑪瑙而嚴飾之。池中蓮華。大如車輪。青色青光。黃色黃

南無阿彌陀佛

第一時 彌陀經

一二

光。赤色。赤光。白色。白光。微妙。香潔。舍利弗。極樂國土。成就如是功德莊嚴。又舍利弗。彼佛國土。常作天樂。黃金爲地。晝夜六時。雨天曼陀羅華。其土衆生。常以清旦。各以衣祴。盛衆妙華。供養他方十萬億佛。卽以食時。還到本國。飯食經行。舍利弗。極樂國土。成就如是功德莊嚴。復次。舍利弗。彼國常有種種奇妙雜色之鳥。白鶴。孔雀。鸚鵡。舍利。迦陵頻伽。共命之鳥。是諸衆鳥。晝夜

南無阿彌陀佛

六時出和雅音。其音演暢。五根五力。七菩提分。八聖道分。如是等法。其土衆生。聞是音已。皆悉念佛念法念僧。舍利弗。汝弗謂此鳥。實是罪報所生。所以者何。彼佛國土。無三惡道。舍利弗。其佛國土。尚無惡道之名。何況有實。是諸衆鳥。皆是阿彌陀佛。欲令法音宣流。變化所作。舍利弗。彼佛國土。微風吹動。諸寶行樹。及寶羅網。出微妙音。譬如百千種樂。同時俱作。聞是音者。自然

南無阿彌陀佛

第一時 彌陀經

一四

皆生念佛念法念僧之心。舍利弗。其佛國土。成就如是功德莊嚴。舍利弗。於汝意云何。彼佛何故號阿彌陀。舍利弗。彼佛光明無量。照十方國。無所障礙。是故號爲阿陀彌。又舍利弗。彼佛壽命及其人民。無量無邊阿僧祇劫。故名阿彌陀。舍利弗。阿彌陀佛。成佛以來。於今十劫。又舍利弗。彼佛有無量無邊聲聞弟子。皆阿羅漢。非是算數之所能知。諸菩薩衆。亦復如是。舍利弗。彼

南無阿彌陀佛

佛國土成就如是功德莊嚴。又舍利弗。極樂國土衆生生者。皆是阿鞞跋致。其中多有一生補處。其數甚多。非是算數所能知之。但可以無量無邊阿僧祇說。舍利弗。衆生聞者。應當發願。願生彼國。所以者何。得與如是諸上善人。俱會一處。舍利弗。不可以少善根福德因緣。得生彼國。舍利弗。若有善男子。善女人。聞說阿彌陀佛。執持名號。若一日。若二日。若三日。若四日。若五日。

南無阿彌陀佛

第一時 彌陀經

一六

若六日。若七日。一心不亂。其人臨命終時。阿彌陀佛。與諸聖衆。現在其前。是人終時。心不顛倒。卽得往生阿彌陀佛極樂國土。舍利弗。我見是利。故說此言。若有衆生。聞是說者。應當發願。生彼國土。舍利弗。如我今者。讚歎阿彌陀佛。不可思議功德之利。合學東方亦有阿閼鞞佛。須彌相佛。大須彌佛。須彌光佛。妙音佛。如是等恆河沙數諸佛。各於其國。出廣長舌相。徧覆三千大千世

南無阿彌陀佛

界說誠實言。汝等衆生。當信是稱讚不可思議
功德。一切諸佛所護念。經舍利弗。南方世界有
日月燈佛。名聞光佛。大焰肩佛。須彌燈佛。無量
精進佛。如是等恆河沙數諸佛。各於其國。出廣
長舌相。徧覆三千大千世界。說誠實言。汝等衆
生。當信是稱讚不可思議功德。一切諸佛所護
念。經舍利弗。西方世界有無量壽佛。無量相佛。
無量幢佛。大光佛。大明佛。寶相佛。淨光佛。如是

南無阿彌陀佛

第一時 彌陀經

一八

等恆河沙數諸佛。各於其國。出廣長舌相。徧覆三千大千世界。說誠實言。汝等衆生。當信是稱讚不可思議功德。一切諸佛所護念經。舍利弗。北方世界有焰肩佛。最勝音佛。難沮佛。日生佛。網明佛。如是等恆河沙數諸佛。各於其國。出廣長舌相。徧覆三千大千世界。說誠實言。汝等衆生。當信是稱讚不可思議功德。一切諸佛所護念經。舍利弗。下方世界有師子佛。名聞佛。名光

南無阿彌陀佛

佛。達磨佛。法幢佛。持法佛。如是等恆河沙數諸佛。各於其國。出廣長舌相。徧覆三千大千世界。說誠實言。汝等衆生。當信是稱讚不可思議功德。一切諸佛所護念經。舍利弗。上方世界。有梵音佛。宿王佛。香上佛。香光佛。大焰肩佛。雜色寶華嚴身佛。娑羅樹王佛。寶華德佛。見一切義佛。如須彌山佛。如是等恆河沙數諸佛。各於其國。出廣長舌相。徧覆三千大千世界。說誠實言。汝

南無阿彌陀佛

第一時 彌陀經

二〇

等衆生。當信是稱讚不可思議功德。一切諸佛所護念經。舍利弗。於汝意云何。何故名爲一切諸佛所護念經。舍利弗。若有善男子。善女人。聞是經受持者。及聞諸佛名者。是諸善男子。善女人。皆爲一切諸佛之所護念。皆得不退轉於阿耨多羅三藐三菩提。是故舍利弗。汝等皆當信受我語。及諸佛所說。舍利弗。若有人。已發願。今發願。當發願。欲生阿彌陀佛國者。是諸人等。皆

南無阿彌陀佛

得不退轉於阿耨多羅三藐三菩提。於彼國土。若已生。若今生。若當生。是故舍利弗。諸善男子。善女人。若有信者。應當發願。生彼國土。舍利弗。如我今者。稱讚諸佛。不可思議功德。彼諸佛等。亦稱讚我。不可思議功德。而作是言。釋迦牟尼佛。能爲甚難希有之事。能於娑婆國土。五濁惡世。劫濁。見濁。煩惱濁。衆生濁。命濁中。得阿耨多羅三藐三菩提。爲諸衆生。說是一切世間難信。

南無阿彌陀佛

第一時 往生咒

二二

之法。舍利弗。當知我於五濁惡世。行此難事。得阿耨多羅三藐三菩提。爲一切世間說此難信之法。是爲甚難。佛說此經已。舍利弗及諸比丘。一切世間天人阿修羅等。聞佛所說。歡喜信受。作禮而去。

佛說阿彌陀佛經

拔一切業障根本得生淨土陀羅尼（卽往生咒）

南無阿彌多婆夜。哆他伽哆夜。哆地夜他。阿彌

南無阿彌陀佛

利都婆毗。阿彌利哆。悉耽婆毘。阿彌利哆。毘迦
蘭諦。阿彌利哆。毘迦蘭哆。伽彌膩。伽伽那。枳多
迦隸。莎婆訶。(三遍)

南無蓮池海會佛菩薩(三稱)

(十) 第一時提綱

世界何緣稱極樂。只因衆苦不能侵。道人若要尋歸路。
但向塵中了自心。心心卽佛。醍醐酥酪咸自乳。生佛佛
惟心。釵釧瓶盤盡從金。出十萬億程。東西不隔。二六時

第一時 提綱

南無阿彌陀佛

第一時 讚佛偈

二四

內。凡聖同途。低頭合掌白玉毫。星明日麗。歌咏讚揚紫
金容。靈震雷轟。清涼月兮有水皆舍。功德雲而無山不
載。香象渡河。一舉洪名超二死。迦陵出穀。千稱嘉號壓
羣音。下情唯忖以難思。一念回光而易往。究竟不居心
外。分明祇在目前。審如是。卽今衆等。繫念彌陀。三時佛
事。只如不涉證修。親蒙授記一句。如何舉揚。（鳴尺）
風唵樹樹千般樂。香浸池池四色華。

（十一）念佛 唱讚佛偈

南無阿彌陀佛

阿彌陀佛身金色 相好光明無等倫
白毫宛轉五須彌 紺目澄清四大海
光中化佛無數億 化菩薩衆亦無邊
四十八願度衆生 九品咸令登彼岸
南無西方極樂世界大慈大悲阿彌陀佛
南無阿彌陀佛（百聲）

（十二）唱讚

第一大願 觀想彌陀 四十八願度娑婆

第一時 彌陀讚

二五

南無阿彌陀佛

第一時 開示

二六

九品湧金波 寶網交羅 度亡靈出愛河
南無蓮池海會佛菩薩 (三稱)

(十三) 第一時開示

諸苦盡從貪欲起。不知貪欲起于何。因忘自性彌陀佛。
異念紛馳總是魔。教中道生而無生。法性湛然無生而
生。業果儼然。所謂生者。即衆生生滅之迹也。謂無生者。
即諸佛寂滅之本也。法性湛然者。靈明湛寂。元妙真常。
箇箇不無。人人本具。只因最初不覺。忽爾動心。認妄爲

南無阿彌陀佛

眞迷已逐物。由是業網牽纏。流轉五道。恆隨生死以升沉。亘古至今而靡間。當知生自緣生。而法性不與緣俱生。滅自緣滅。而法性不與緣俱滅。所以云法性湛然。是謂生而無生者也。無生而生者。衆生迷妄入心。積業成果。虛受輪轉。妄見生滅。于法性體上。如鏡現像。似珠隨色。當知鏡光本淨。珠體絕痕。物境互彰。不違色像。彼色像之去來。猶業果之儼然也。故諸佛于儼然生滅中。唯見無生。衆生于湛然無生中。唯見生滅。只因迷悟之有

阿無阿彌陀佛

第一時 開示

二八

差。遂致現量之不一。實乃生滅自性。無生亦無自性。悟則生滅皆無生。迷則無生皆生滅。所以離此別無。是乃一體而異名也。審如是。則阿彌陀佛。卽是我心。我心卽是阿彌陀佛。淨土卽此方。此方卽淨土。豈非迷悟之自殊。何有聖凡而彼此。乃知現前衆等。以自性阿彌陀。與大衆舌根。普同運轉。根本法輪。諸仁還委悉麼。(鳴尺)

生滅無生生不生。樂邦那肯禁人行。

誰知萬丈紅塵裏。菡萏華開月正明。

南無阿彌陀佛

(十四) 大眾齊聲念佛。法師下座。旋遶亡靈處。千聲已。師在靈前。立定。衆站立兩旁。收佛號。大眾念。

南無觀世音菩薩 (三稱)

南無大勢至菩薩 (三稱)

南無清淨大海衆菩薩 (三稱)

一者禮敬諸佛 二者稱讚如來 三者廣修

供養 四者懺悔業障 五者隨喜功德 六

者請轉法輪 七者請佛住世 八者常隨佛

南無阿彌陀佛

第一時 佛寶讚

三〇

學 九者恆順衆生 十者普皆回向 十方
三世一切佛 一切菩薩摩訶薩 摩訶般若
波羅密

(十五) 唱佛寶讚

佛寶讚無窮 功成無量劫中 巍巍丈六紫
金容 覺道雪山峯 眉際玉毫光燦爛 照
開六道昏蒙 龍華三會遇相逢 演說法真
宗 龍華三會遇相逢 演說法真宗

南無阿彌陀佛

(十六) 大眾念佛。法師再陞座。

(十七) 第一時勸請懺悔發願

人人分上本有彌陀。箇箇心中總爲淨土。了則頭頭見佛。悟來步步西方。上來啓建三時繫念淨業道場。今當第一時佛事已圓。如上殊勳。投入彌陀大願海中。專爲亡靈某某求生淨土。但念自從無始迄至今生。一念違真。六根逐妄。隨情造業。縱我爲非。身業則殺盜邪淫。口過則妄言綺語。兩舌惡口。意惡則常起貪瞋。深生癡愛。

南無阿彌陀佛

第一時 懺悔發願文

三二

由茲三業。鈎鎖妄緣。常汨汨于塵勞。但茫茫于歲月。欲
思出離。唯憑懺悔熏修之力。俾眼耳鼻舌身意之過愆。
應念頓消。使色聲香味觸法之浮塵。即時清淨。又極樂
求生。全憑發願。仰勞法衆。異口同音。敬爲亡靈。至心懺
悔發願。

(十八) 念懺悔發願文

往昔所造諸惡業
從身語意之所生

皆由無始貪瞋癡
今對佛前求懺悔(三遍)

南無阿彌陀佛

衆生無邊誓願度

煩惱無盡誓願斷

法門無量誓願學

佛道無上誓願成(三過)

南無普賢王菩薩摩訶薩(三稱)

(十九)第一時迴向

上來懺悔發願已竟。嗚尺亡靈○○當知夫淨土之爲教

也。仰承阿彌陀佛。四十有八大慈大悲深重願力。攝取十方一切衆生。凡具信心者。皆得往生。信者。信有西方淨土。信有阿彌陀佛。攝取衆生之事。我等衆生。信有往

南無阿彌陀佛

第一時 迴向

三四

生之分。然雖謂彌陀攝取衆生往生。要信唯是隨心自現。感應道交。究竟非從外得。如是信者。是爲眞信。信而無行。卽不成其信。行者。楞嚴經云。都攝六根。淨念相繼。不假方便。自得心開。阿彌陀經云。若有善男子。善女人。聞說阿彌陀佛。執持名號。若一日。若二日。乃至七日。一心不亂。其人臨命終時。阿彌陀佛。與諸聖衆。現在其前。是人終時。心不顛倒。卽得往生阿彌陀佛。極樂國土。如是行者。是名正行。行而無願。卽不成其行。願者。要與阿

南無阿彌陀佛

彌陀佛。四十八願。願願相應。是爲大願也。信行願三。如鼎三足。缺一不可。今爾亡靈。當知現前一念。本自圓常。信行願原是自己本來俱有。如是性德。今者但是本性光明顯發耳。（嗚尺）

（二十）唱讚

阿彌陀佛 無上醫王 巍巍金相放毫光
苦海作慈航 九品蓮邦 同願往西方
南無蓮池海會佛菩薩（三稱）（第一時畢）

第一時 彌陀讚

三五

南無阿彌陀佛

第二時 念經咒

三六

第二時

(一) 念經咒

南無蓮池海會佛菩薩 (三稱)

佛說阿彌陀經 (一卷見前第九頁)

拔一切業障根本得生淨土陀羅尼 (三遍見前第二二頁)

南無蓮池海會佛菩薩 (三稱)

(二) 第二時提綱

南無阿彌陀佛

便就今朝成佛去。樂邦化主已嫌遲。那堪更欲之乎者。
管取輪迴沒了時。原夫徧十方是極樂世界。三光水色。
似空合空。盡大地是清泰故鄉。花笑鳥啼。如鏡照鏡。自
是不歸歸便得。五湖煙景有誰爭。黃金臂晝夜常垂。惟
許行人獨委。白玉毫古今不昧。全憑願者承當。所以道。
萬法是心光。諸緣惟性曉。本無迷悟人。只要今日了。卽
今現前衆等。繫念第二時佛事。且了之一句。如何舉揚。
瑠璃池上懸明月。菡萏華間戲水禽。

南無阿彌陀佛

第二時 讚佛偈

(三)念佛 唱讚佛偈

阿彌陀佛身金色

相好光明無等倫

白毫宛轉五須彌

紺目澄清四大海

光中化佛無數億

化菩薩衆亦無邊

四十八願度衆生

九品咸令登彼岸

南無西方極樂世界大慈大悲阿彌陀佛

南無阿彌陀佛 (百聲)

(四)唱讚

南無阿彌陀佛

第一大願 觀想彌陀 四十八願度娑婆
九品湧金波 寶網交羅 度亡靈出愛河
南無蓮池海會佛菩薩（三稱）

（五）第二時開示

是心是佛將心念。念到心空佛亦忘。撒手歸來重檢點。
華開赤白與青黃。教中道。惟心佛亦爾。惟佛衆生然。心
佛及衆生。是三無差別。所謂心者。心有多種。曰肉團心。
乃現在身中。父母血氣所生者。是曰緣慮心。卽現今善

南無阿彌陀佛

第二時 開示

四〇

惡順逆境界上種種分別者是。曰靈知心是混千差而不亂。歷三際以靡遷。炳然獨照。卓爾不羣。在聖不增。在凡不減。處生死流。驪珠獨耀于滄海。居涅槃岸。桂輪孤朗于中天。諸佛悟之。假名惟心。衆生迷之。便成妄識。是以佛卽衆生。衆生卽佛。且心外無佛。亦無衆生。唯迷悟之有間。故聖凡而迥異。豈知心佛衆生。三無差別。永嘉云。夢裏明明有六趣。覺後空空無大千。既然如是。則經云。從是西方。過十萬億佛土。有世界名曰極樂。其土有

南無阿彌陀佛

佛號阿陀彌。今現在說法。總不出唯心淨土。本性彌陀也。由是而知。卽今現前亡過某某。其生也。蓮華朵朵。其歿也。行樹重重。無一時不達蓮邦。無一念不依慈父。審如是。且道。離此心佛衆生外。別有高量處也無。

大圓鏡裏絕纖埃。

碧藕華中有聖胎。

遙望金沙池沼外。

寶光常照玉樓臺。

(六) 大衆齊聲念佛。法師下座。旋遶亡靈處。千聲已。師在靈前。

立定。衆站立兩旁。收佛號。大衆念。

第三時 繞佛

四一

南無阿彌陀佛

第二時 發願偈

四二

南無觀世音菩薩 (三稱)

南無大勢至菩薩 (三稱)

南無清淨大海衆菩薩 (三稱)

十方三世佛 阿彌陀第一 九品度衆生

威德無窮極 我今大皈依 懺悔三業罪

凡有諸福善 至心用回向 願同念佛人

感應隨時現 臨終西方境 分明在目前

見聞皆精進 同生極樂國 見佛了生死

南無阿彌陀佛

如佛度一切 無邊煩惱斷 無量法門修
誓願度衆生 終願成佛道 虛空有盡
我願無窮 虛空有盡 我願無窮

(七) 唱法寶讚

法寶實難量 如來金口宣揚 龍宮海藏散
天香 覺者誦琅瑯 玉軸霞條金寫字 似
排秋雁成行 昔因三藏取來唐 萬古爲敷
揚 昔因三藏取來唐 萬古爲敷揚

南無阿彌陀佛

第 四 時 勸 請 懺 悔 發 願

四 四

(八) 大衆念佛。法師再陞座。

(九) 第二時勸請懺悔發願

蓋聞虛而有鳴。答之聲寂。而無形影之相。然谷響自然。非呼之而不答。佛身無作。非扣之而不彰。上來啓建第二時繫念佛事已圓。如上殊勳。投入如來大願海中。出生功德。專爲亡靈某某。洗除業垢。增長善根。捨此報緣。往生淨土。但念自從無始。迄至今生。漚生巨海。逐識浪以高低。雲點太清。任情風而人我。于是循環諸趣。流轉

南無阿彌陀佛

四生業海茫茫。罪山岌岌。匪憑發露。曷遂消除。懺摩已往。發願當來。再勞法衆。至心懺悔發願。

(十) 念懺悔發願文

往昔所造諸惡業

皆由無始貪瞋癡

從身語意之所生

一切罪障皆懺悔 (三遍)

衆生無邊誓願度

煩惱無盡誓願斷

法門無量誓願學

佛道無上誓願成 (三遍)

南無普賢王菩薩摩訶薩 (三稱)

第二時 懺悔發願文

四五

南無阿彌陀佛

第二時 迴向 彌陀讚

四六

(十一) 第二時迴向

上來懺悔發願已竟。具行猶如具眼目。願如日月燈光。明。依光照燭見分明。行者方能達前境。是以念佛之人。若不發願往生。縱有修行。亦成虛設。以不順佛故。今爾亡靈。當知此意。

(十二) 唱讚

阿彌陀佛 無上醫王 巍巍金相放毫光
苦海作慈航 九品蓮邦 同願往西方

南無阿彌陀佛

南無蓮池海會佛菩薩（三稱）

（第二時畢）

第三時

（一）念經咒

南無蓮池海會佛菩薩（三遍）

佛說阿彌陀經（一卷見前第九頁）

拔一切業障根本得生淨土陀羅尼（三遍見前第二三頁）

南無蓮池海會佛菩薩（三稱）

第三時 念經咒

四七

南無阿彌陀佛

第三時 提綱

四八

(二) 第三時提綱

十萬餘程不隔塵。休將迷悟自疎親。剎那念盡恆沙佛。
便是蓮華國裏人。合塵背覺。栽荆棘于七寶園林。捨妄
歸真。列珠網于四生門戶。縱橫萬法。圓裏一心。非思量
處。阿陀彌佛。坐斷六根。無造作時。清泰故鄉。橫吞八極。
破羣昏。如杲日麗天。療衆病。如善見神藥。所以云。一稱
阿彌陀佛名號。能滅八萬億劫生死衆苦。利益如是。豈
譬喻言說之可及乎。只如卽今繫念第三時佛事。且道

南無阿彌陀佛

現前衆等。同聲相應一句。如何指陳。

一從佛向舌根念。不覺花隨足底生。

(三)念佛 唱讚佛偈

阿彌陀佛身金色 相好光明無等倫

白毫宛轉五須彌 紺目澄清四大海

光中化佛無數億 化菩薩衆亦無邊

四十八願度衆生 九品咸令登彼岸

南無西方極樂世界大慈大悲阿彌陀佛

南無阿彌陀佛

第三時 彌陀讚 開示

五〇

南無阿彌陀佛（百聲）

（四）唱讚

第一大願 觀想彌陀 四十八願度娑婆

九品湧金波 寶網交羅 度亡靈出愛河

南無蓮池海會佛菩薩（三稱）

（五）第三時開示

打破虛空笑滿腮。玲瓏寶藏豁然開。直饒空劫生前事。
六字洪名畢竟該。古人道。清珠投于濁水。濁水不得不

南無阿彌陀佛

清念佛投于亂心。亂心不得不佛。西天有寶名曰清珠。將此珠投入濁水中。入水一寸。則一寸之濁水。即便清潔。此珠入水。自寸至尺。乃至于底。則濁水亦隨之而澄。湛。當知清珠者。喻念佛之淨念也。濁水者。喻雜亂之妄心也。當妄心雜亂之時。能舉起一念。如對慈尊。按定六字洪名。一一出口入耳。則此雜亂。自然隨念寂靜。自是一念而至十念。乃至念念不移。即教中所謂淨念相繼者也。念佛之人。須要信心懇切。正因凜然。重念生死輪。

南無阿彌陀佛

第三時 開示

五二

轉之可悲。深厭塵勞紛擾之可痛。舉起一聲佛名。直下更無異見。如太阿劍。橫按當軒。如火輪。星騰燄熾。萬物撻之則燎。觸之則傷。直至一心不亂。能所兩忘。到家之說。不容再舉。捷徑之詞。何勞挂齒。可謂證修行之神術。超方便之正途。破死生蟄戶之雷霆。觸迷妄幽衢之日月。今宵三時繫念佛事將圓。亡靈某某。承茲上善。決定往生。且道一念未萌以前。還有者箇消息也無。(鳴尺)是心空寂。念何依。故國云歸。孰未歸。

南無南彌陀佛

花外玉雞啼曉日。遠迎新佛奉慈威。

(六) 大衆齊聲念佛。法師下座。旋遶亡靈處。千聲已。師在靈前
立定。衆站立兩旁。收佛號。大衆念。

南無觀世音菩薩 (三稱)

南無大勢至菩薩 (三稱)

南無清淨大海衆菩薩 (三稱)

一心皈命 極樂世界 阿彌陀佛 願以淨

光照我 慈誓攝我 我今正念 稱如來命

第三時

繞佛 淨土文

五三

南無阿彌陀佛

第三時

淨土文

五四

爲菩提道 求生淨土 佛昔本誓 若有
衆生 欲生我國 至心信樂 乃至十念
若不生者 不取正覺 以此念佛因緣 得
入如來 大誓海中 承佛慈力 衆罪消滅
善根增長 若臨命終 自知時至 身無
病苦 心不貪戀 意不顛倒 如入禪定
佛及聖衆 手執金台 來迎接我 於一念
頃 生極樂國 花開見佛 卽聞佛乘 頓

南無阿彌陀佛

開佛慧 廣度衆生 滿菩提願 十方三世
一切佛 一切菩薩摩訶薩 摩訶般若波羅
密

(七) 唱僧寶讚

僧寶不思議 身披三事雲衣 浮杯渡海利
那時 赴感應羣機 堪作人天功德主 堅
持戒行無爲 我今稽首願遙知 振錫杖提
攜 我今稽首願遙知 振錫杖提攜

第三時 僧寶讚

五五

南無阿彌陀佛

第三時 勸請懺悔發願

五六

(八) 大眾念佛。法師再陞座。

(九) 第三時勸請懺悔發願

念佛既從心出。結業豈屬外來。須臾背念佛之心。剎那
卽結業之所。今則衆等。依憑教法。作三時繫念佛事。所
集勝因。專爲亡靈某某。決生淨土。自今戒香馥郁。慧炬
熒煌。迷雲開而性天獨朗。妄塵盡而心地廓通。諸根圓
淨。羣業頓空。一舉念。一華開。挹露迎風。香浮玉沼。一馳
情。一果熟。含烟對日。影落金園。經行坐臥在其中。游戲

南無阿彌陀佛

逍遙非分外。得佛受用。徹法源底。常寂光處。處處現前。大願王。塵塵契會。更爲亡靈。至心懺悔發願。

(十) 念懺悔發願文

往昔所造諸惡業

皆由無始貪瞋癡

從身語意之所生

一切罪根皆懺悔 (三遍)

自性衆生誓願度

自性煩惱誓願斷

自性法門誓願學

自性佛道誓願成 (三遍)

南無普賢王菩薩摩訶薩 (三稱)

南無阿彌陀佛

第三時 迴向 大彌陀讚

五八

(十一) 第三時迴向

上來三時繫念阿彌陀佛。萬德洪名。勸導亡靈某某。懺除結業。發願往生。行願既深。功無虛棄。惟願亡靈聞斯法要。信受奉行。從是托質蓮胎。永離業海。直證阿鞞跋致。圓滿無上菩提。

(十二) 唱讚

彌陀佛大願王 慈悲喜捨難量 眉間常放
白毫光 度衆生極樂邦 八德池中蓮九品

南無阿彌陀佛

七寶妙樹成行 如來聖號若宣揚 接引

往西方 彌陀聖號若稱揚 同願往西方

南無蓮池海會佛菩薩 (三稱)

(十三) 大衆齊聲念佛。法師下座。同至靈前迴向。

南無清涼地菩薩摩訶薩 (三稱第一稱僅由清字唱起)

南無般若會上佛菩薩 (三稱)

般若波羅密多心經 (一卷見前第三頁)

往生咒 (三遍見前第五頁)

南無阿彌陀佛

迴向 彌陀讚 迴向文

六〇

(十四) 唱讚 齋主向亡靈三拜

蓮池海會 彌陀如來 觀音勢至坐蓮台
接引上金階 大誓弘開 普願離塵埃
願生西方淨土中 九品蓮花爲父母
花開見佛悟無生 不退菩薩爲伴侶

(十五) 大衆念佛回至佛前迴向

繫念功德殊勝行 無邊勝福皆回向
普願沈溺諸衆生 速往無量光佛刹

南無阿彌陀佛

十方三世一切佛

一切菩薩摩訶薩

摩訶般若波羅密

(十六) 三皈依

自皈依佛 當願衆生 體解大道 發無上心

自皈依法 當願衆生 深入經藏 智慧如海

自皈依僧 當願衆生 統理大衆 一切無礙

和南聖衆

三時繫念 終

頂禮三寶觀想文

禮

能禮所禮性空寂

感應道交難思議

我此道場如帝珠

佛

諸佛如來影現中

我身影現如來前

頭面接足歸命禮

禮

真空法心如虛空

常住法寶難思議

法

我身影現法寶前

一心如法歸命禮

禮

能禮所禮性空寂

感應道交難思議

我此道場如帝珠

僧

十方菩薩影現中

我身影現菩薩前

頭面接足歸命禮

法事叢書之一

三時繫念

中華民國二十一年六月再版

◎定價大洋壹角

外埠酌加郵費

編輯者 世界佛敎居士林

發行所 上海佛學書局

地址 上海新大沽路丁四十號
電話 九〇三一〇

印刷者 國光印書局

分售處 各埠佛學書局
佛經流通處

2
447162
17

447162

